

霍亂新書
霍亂論摘要

揚州市衛生局
重印



光緒戊子仲秋刊

霍亂症

興化吳聖觀藏板



霍亂新書

霍亂論摘要

(全一冊)

江蘇省揚州市衛生局重印

江蘇廣陵古籍刻印社代印

(內部資料·請勿翻印)

一九八五年四月

成本價：肆元貳角



前 言

中国医药学有着几千年悠久的历史，其中蕴藏着丰富的医药典籍，是中华民族与疾病作斗争的经验总结。扬州是历史文化名城之一，中医药发展源远流长，自汉·吴普以来，名医辈出，留下了不少珍贵的医籍。我市邗江县中医医阍服彬珍藏多年的《霍乱新书》和《霍乱论摘要》各一册，就是不可多得的医药史料。

上述两书，均以一八八八年，即光绪十四年戊子大疫为主题，记载了那时苏北里下河地区中医工作者为扑灭急性传染病（主要是霍乱）所进行的医事活动。作者就霍乱病

的流行情况、急救措施、预防方法等作了详细的介绍。对研究中医药发展史、霍乱流行史及中医急症均有一定的价值。

为整理与发掘我市中医药文献，不致散佚，特予重印。以飨广大医务工作者。

扬州市苏北人民医院中医科付主任、中医内科主治医师王馨然同志，曾考证并撰写《霍乱新书》和《霍乱论摘要》初探一文。现附印于后，以供读者阅读研究时参考。

扬州市卫生局 一九八四年十二月



興化實濟局緣起

天時不正厲疫流行無告窮黎求醫弗得
悲夫京口劉笠蓑先生句容楊春華先生
憫之開惻隱之心肩領袖之職首倡輸捐
並召姜君輔臣錢君萬青徐君仙槎會商
典業錢業先量集資權作藥金局費聞者
均樂首肯邑主劉司馬亦出巨資以襄
厥成即於七月望開局四聖觀中名曰實
濟實心實事不務虛名只求有濟局地居
城中施醫者聞風而來就診者接踵而至



莫不曰便計開局三十日送診萬餘人賴
以全活者眾矣曰此善舉也雖然人情每
樂於觀成而難於圖始善舉豈易為哉嘗
見吾鄉聞有患時病者必預掩鼻而避之
惡其傳染也雖至戚好友弗遑顧開局以
來諸君子日與病者周旋撫問未聞一人
以傳染病也天之福善信然易曰積善之
家必有多餘慶良有以也今幸天心漸轉局
事將歲聞鄰邑猶有行疫未已者古人云
問路於已經謹將親歷時症筆之於書雜



病弗載窮羸一得以備賢者採擇焉一
視同仁推己及人亦實濟之進境也與是

役者例得書名用誌同舟共濟云耳

安 吳良憲成齋 魏樹春小泉

興 趙鳳岐瑞周 趙履鼈海仙

興 張寶彝滌珊 江念祖景園

興 江曲春澤之 趙冠鼈稚松

郵 李達權子衡 曹樞斗南

興 魏樹森蔭堂 吳業勤小齋

興 崔陸智華庭 崔陸塏少疇



緣起

丹徒劉笠蓑
京王錫九
陽林一枝
興姜輔臣
化胡萬如

安汪植之
容楊春華
涼余子清
丹郭德清
高徐仙槎

興徐季香
安洪仲祥
丹錢萬青
高徐鹿林

光緒十四年歲次戊子孟秋月

綬卿任綬雲並識
小香李光偁



小引

今歲自入伏以來時疫流行奔走求醫者
紛然於道路往往轉瞬之間遂不及救捐
同人議立施診所延請吳君成齋趙君海
仙稚松李君子衡諸寓公暨本邑曹君斗
南崔君亮疇華庭江君澤之魏君小泉應
堂趙君瑞周張君滌珊均荷慨許即日於
邑之東關內四聖觀設局諸君黎明赴局
分班輪診日昃不遑就診者戶限幾穿復
蒙



邑尊劉公祖捐廉倡助普施藥餌以此全
活甚眾
江二公又與在局 諸君再三商酌以病
形百出治法各有不同因折衷諸家各著
論辨一則實事求是活人之心有加無已
爰記設局顛末以表揚 諸君子一視同
仁之盛德其所著論辨一併刊刻分送以
備
仁人之採擇焉興化伯寅楊崇恭謹撰



興化寶濟局霍亂論

興化江曲春澤之撰

男念祖景園敦

門人 王恩銘 若金 蔣兆如 瑞山 校

霍亂論

霍亂一症每歲有之與麻疹不同若治麻
痧之要法或取嚏或引吐或攻下或外治
挑刮或內服痧藥因其病由於熱閉嚏則
開其肺氣吐則開其胃氣下則開其脾氣
挑刮開其皮毛經絡之氣痧藥開其臟腑



之氣總取其通通則氣行而熱亦洩矣此
麻痧之大局也至於霍亂之為病也其症
或吐或瀉或吐瀉並見有腹痛者亦有不
痛者吐瀉數次後即兩腿抽搐或手足並
昏拘攣痛愈甚抽亦愈甚頃刻肌肉盡削
漸至氣短聲嘶眼窠落陷渴欲飲冷周身
冷汗如冰六脈漸無或半日即死或旦發
夕死夕發旦死此霍亂之大局也若以麻
痧治霍亂則太歧矣細參霍亂皆因起於
三陰今夏三伏陽氣發泄太過且天久不

兩陽浮於外陰盛於內法當溫經通陽以祛寒邪以宅陰火選用之方不外白通湯四逆湯大烏頭煎耒復丹真武湯吳茱萸湯六味回陽飲縮脾飲黃連進退湯烏梅丸生薑瀉心湯附子瀉心湯諸方然必合眾方以相參主一方以用藥如白通湯為陰盛於下格陽於上脈伏肢冷面赤戴陽之治法也四逆湯大烏頭煎耒復丹為陰盛於內格陽於外但躁不煩脈伏肢冷之治法也真武湯取鎮定北方不使陰寒水

勢上泛而蛟龍各宅其位也吳茱萸湯為
吐利手足厥冷煩躁欲死者也六味回陽
飲則救陰竭陽危陰陽並脫也縮脾飲溫
煖脾陽治吐瀉煩渴也黃連進退湯烏梅
丸則救陰傷口渴煩躁嘔吐下利中腕隔
住津液不能上升也生薑瀉心湯附子瀉
心湯通中焦之陽瀉胸中虛否之治法也
以此數方為主因症選方多日試驗投以
陽藥十可救三誤用陰柔百難救一管窺
之見未知

高明以為何如
光緒十四年秋八月中浣興化四聖觀實
濟局刊行



看
部
誌

